

بوشیار منیجر نی مثال

16 ¹ فر حضرت عیسیٰ اپٹے صحابیاں کی اک قصہ سُنایا، ”اک واری نی گل آے، کُسے امیر بندے نا منیجر سی جس نے حوالے اُس اپٹا سارا حساب کتاب کیتا سی۔ اُس امیر بندے کی پتہ لگا کہ اُس نا منیجر اُس نا مال پیا ضائع کرنا آے۔ ² اُس اپٹے منیجر کی بُلائی کرے پُچھیا، ’اے کرے گل آے جیہڑی میں پیاں سُننا؟ اپٹا سارا حساب مکی دس، کیٹانکہ تُوں اِس قابل نی این کہ اِس گمے واسطے تکی رَخیا جائے۔‘ ³ منیجر سوچیا، ’مالک ترے مکی کڈھنا چاہنا آے، پر میں کرے گرساں؟ میں کھدائی نا کم ناں کری سکتا۔ خیر منگٹے تُوں وی مکی شرم اچھٹی آے۔ ⁴ ہاں، اک گل آے وے: کجھ ایٹے جہیا کم گراں تانکہ نوکری تُوں نکلٹے تُوں بعد لوک اپٹے کہہاراں وچ مکی خوشی نال اچھنّ دیٹ۔‘ ⁵ اُس کرے کیتا کہ اپٹے مالکے نے قرضداراں کی اک اک کری کرے بلایا۔ پہلے کولوں پُچھیاں، ’مہاڑے مالکے نا

تھاڑے پر کتنا قرضہ آئے؟⁶ اُس آخیا، 'سو من تیل۔' منیجر آخیا، 'اے کہن اپنا بل تے اِس پر پنجاہ من لِخی شوڑ۔'⁷ فر اُس منیجر دُوئے بندے کی بُلایا تے پُچھیا، 'تُوں اَساں نے مالکے نا گے دیٹا آئے؟' اُس آخیا، 'سو من کٹک۔' منیجر اُسی آخیا، 'اپنا بل کہن تے اُس وچ اُسی لِخی شوڑ۔'⁸ جیہڑے ویلے مالکے اُس بد دیانت منیجر نا حساب تکیا، تے اُس نی ہوشیاری نی بھوں تعریف کیتی۔ کیئانکہ اللہ تعالیٰ نے لوکاں نی بہ نسبت اِس دُنیا نے لوک اپنے معاملات وچ زیادہ ہوشیار ہوئے ان۔"⁹ فر حضرت عیسیٰ آخیا، "اِس واسطے میں تُساں کی آخٹاں، اِس دُنیا نی دولت نے ذریعے اپنے واسطے دوست بٹاؤ، تانکہ جیہڑے ویلے اے دولت ختم ہوئی جائے تے اللہ تعالیٰ تُساں کی جنت وچ خوشی نال اچھن دے۔"¹⁰ جیہڑا شخص تھوڑے وچ دیانتدار ہووے، او زیادہ وچ وی دیانتدار ہونا آئے۔ اِسے طرح جیہڑا تھوڑے وچ بد دیانت ہووے، او زیادہ وچ وی بد دیانت ہونا آئے۔¹¹ اِس واسطے اگر تُساں دُنیاوی دولت وچ دیانتدار ناں ہوسو، تے حقیقی

دولت کُنْ تُساں نے حوالے گرسی؟¹² اگر تُساں دُوئے لوکاں نے مال نال دیانتداری ناں گرسو، تے جیہڑا حقیقی مال تُساں واسطے آے او تُساں کی کُنْ دیسی؟¹³ کوئی بندہ دواں مالکاں نی اک وقت خدمت نی کری سکٹا، کیئانکہ او اک نال مُحَبَّت گرسی تے دُوئے نال دُشمٹی، اک نال وفاداری تے دُوئے نال بیوفائی گرسی۔ اسے طرح تُساں خُدا تے دولت دواں نے اک وقت خدمت نی کری سکٹے او۔

حضرت عیسیٰ ہور تعلیم دینے ان

¹⁴ فریسی فرقے نے لوک زر پرست سن، اس واسطے حضرت عیسیٰ نیاں گلاں سُنٹی کے انہاں نا مذاق بنائے سن۔¹⁵ حضرت عیسیٰ انہاں کی آخیا، ”تُساں انہاں لوکاں وچوں او جیہڑے لوکاں نے سامنے تے اپٹے آپ کی بھوں نیک ثابت کری کینہنے ان، پر اللہ تعالیٰ تے تُساں نی اصلیت کی بھوں چنگی طرح سمجھٹا آے۔ کیئانکہ جیہڑیاں چیزاں نی انسان نی نظر وچ اہمیت ہوئی آے، اللہ تعالیٰ نی نظر وچ او چیزاں قابلِ نفرت ان۔

16 حضرت زکریا نے پُتر حضرت یحییٰ نے زمانے تک توراہ شریف تے صحائفِ انبیاء نی بہوں تبلیغ ہوئی رہی اے۔ پر اُس تُوں بعد اللہ تعالیٰ نی بادشاہی نی خوشخبری سُنائی جاٹی اے، تے ہر کُسے نی بہوں کوشش اے کہ او وی اللہ تعالیٰ نی بادشاہی وچ داخل ہوئی جائے۔

17 پر زیمی تے آسمان ختم ہوئی جاسن پر توراہ شریف نے کُسے زیر زبر وچ وی کَمی بیشی نی آئی سکٹی۔

18 جیہڑا بندہ اپنی بیوی کی طلاق دیئی کے کُسے دُوئی عورت نال بیاہ کرے، او زنا کرنا اے۔ تے جیہڑا کوئی کُسے چھوڑی وی عورت نال بیاہ کرے، او وی زنا کرنا اے۔“

امیر آدمی تے لعزر نامی غریب بندہ

19 فر حضرت عیسیٰ انہاں کی اک قصہ سُنایا، ”کوئی امیر بندہ سی او بہوں ہی قیمتی تے چنگے کپڑے لاٹا ہونا سی۔ او بہوں ہی خوش و خرم سی تے اُس نا ہر دیہاڑا عیدی نا دیہاڑا ہونا سی۔“²⁰ اُتھے اک بہوں ہی غریب لعزر نامی بندہ سی، جس نے سارے جسم اپر دائرے ہی

دائرے سن۔ اس بیچارے کی اُس امیر بندے نے دَر اپر
 پُہنچایا جاٹا ہونا سی۔²¹ لَعَزَر نی خواہش ہوئی سی کہ امیر
 بندے نے گہرے نے بچے وے ٹُکڑے ہی اُسی کھائے
 واسطے دترے جاٹ۔ اُس نی حالت اِتنی خراب سی کہ
 کُتے وی اچھی ک اُس نے جسم کی چٹھے ہوئے سن۔
²² فر اسرح ہویا کہ او غریب بندہ مری گیا۔ فرشتیاں اُسی
 جنت وچ حضرت اِبْرَاهِیم کول ہٹی کھڑیا۔ بعد وچ امیر
 بندہ وی مریا تے دفنایا گیا۔²³ اُسی دوزخ وچ سٹیا گیا
 جتھے او سخت عذاب وچ پئیا سی۔ اُس دُور لَعَزَر کی
 تکیا کہ او حضرت اِبْرَاهِیم کول بیٹھے آوا اے۔²⁴ اُس
 فریاداں نال آخیا، ”اے مہاڑے باپ اِبْرَاهِیم! مہاڑے اپر
 رحم کرو تے اس لَعَزَر کی پہیجو۔ اے اچھی کے اپٹی
 انگلی نال پائی لائی کے مہاڑی زبان کی تر گری۔ میں
 اِتھے اگی وچ بہوں سخت عذاب وچ تڑپٹاں پیا آں۔“
²⁵ حضرت اِبْرَاهِیم اُسی جواب دتا، ”پتر، یاد کر! تُوں
 اپٹے حصے نیاں چنگیاں چیزاں دُنیا وچ چاہی کِہندیاں
 اُن، تے لَعَزَر دُکھ تے تکلیفاں۔ ہُن او اِتھے مزے

پیا کرنا اے، تے تُوں عَذابِ وِچ پئیا ایں۔²⁶ اِس نے
 علاوہ مسئلہ اے اے کہ تُوں تے اَساں نے بشکار
 اِک بھوں بڑا گھڈا اے۔ اِس واسطے اگر کوئی اِتھوں
 تُوں ساریاں کول جاٹا وی چاہے، تے نی جائی
 سکٹا، تے ناں ہی کوئی اِتھوں اَساں کول آئی سکٹا۔
²⁷ فِر اُس امیر بندے آخیا، 'حُضور، گدے ایسے جہی
 گل اے، تے میں تُوں نی مِنت کرنا آں کہ لَعزر کی
 مہاڑے پیو نے کہار پہیجیو۔²⁸ اُتھے مہاڑے پَنج پَہرا
 رِٹے اُٹ۔ میں چاہٹا کہ لَعزر جائی کے اُنہاں کی اے
 ساریاں گلاں دسی شوڑے۔ گُدے او وی اِس عَذاب آلی
 جغہ ناں آئی جاٹ۔²⁹ حضرت اِبْرَاهِیم اُسی آخیا، 'آگاہ
 کرنے واسطے اُنہاں کول حضرت مُوسٰی تے ہور نبیاں نیاں
 کِتاباں اُٹ۔ او اُنہاں اِپر عَمَل کرن۔³⁰ امیر بندے آخیا،
 'حُضور، اِسرح او نی گرنے! پر گدے مُردیاں وِچوں کوئی
 جائی کے اُنہاں کی دسے، تے فِر او توبہ کرسٹ۔'

31 اے گل سُنّی کے حضرت اِبْرَاهِیْم اُسی آخیا، ’کدے او
مُوسیٰ تے ہور نبیاں نی گل نی سُنّے، تے مُردیاں وچوں
زندہ ہوئی کے جائے آلے نی وی او نی سُنّ لغمے۔‘

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>